



The Commonwealth of Massachusetts

DIPARTAMENTU DI SIRVISUS PÚBLIKU (D.P.U.)

MEMORANDU

PA: D.P.U. 24-15 Distribuisjon di Lista Ilettroniku

DI: Laurie Ellen Weisman, Ofisial di Audénsia

RE: D.P.U. 24-15 Prugramason y Orientason pa Simináriu

DATA: June 4, 2024

CC: Mark D. Marini, Sekretariu di Dipartamentu

I. INTRUDUSON

Na dia 4 di Janéru 2024, Dipartamentu di Sirvisu Públiku (“Dipartamentu”) abri un Inkérиту pa Analiza Kustus di Inêrjia, ku Fóku na Asesibilidadi a Inêrjia pa Kontribuintis Rizidênsial, pa avalia midida rilasonadu ku kustu altu di kôntas di inêrjia ki un munti algen ki ta môra na Massachusetts ta paga. Ês inkérиту li ta ben djuda Dipartamentu lêba en konta posibilidadi di midjôra sê-s prugrama di asésu a inêrjia – inkluindu disponibilitadi y kriason di taxas di diskóntu – pa diminui gastus ku inêrjia ki pôdi afeta klentis di sirvisu públiku di manêra negativu.

Pa pôdi abri es inkérиту, Dipartamentu pidi opinion di algen ki sta interesadu na sabi môdi ki Dipartamentu pôdi riduzi gastus ku inêrjia y trata kuzas rilasionadu ku puder ekunómiku, y fla ma ê ta ben difini prósimu etapas adikuadu pa es prusésu, dipos di analiza observasons inisial. Dipartamentu dja resébi y dja analiza kês observasons y dja disidi ki prósimu pasa más adikuadu era fazi un simináriu atraves di Zoom ku tudu algen ki ta fazi parti, pa rikóli informason. Simináriu ta ben kontisi **Sugunda Fêra, 24 di Junhu di 2024, di 10:00 di Sêdu ti 5:00 di Tardi**. Ês memorandu li ta inklui un prugrama provizóriu, ditalis di asésu, y orientason di partisipason na simináriu.

II. PRUGRAMA

- Konsiderasons di Boas-Vindas y Orientason pa Partisipason
- Vizon Jeral sôbri Asésu a Inêrjia
- Mêza Ridóndu sôbri Justisa Ambiental
- Planus di Pagamentu di akordu ku Pursentajen di Rendimentu (“PIPPs”)

- Taxa di Diskóntu pa Iskalionadu
- Asuntus rilasionadu ku inskrison y envolvimentu
- Prósímus Pásus

III. ORIENTSON PA PARTISIPASON NA SIMINARIU DI FORMA VIRTUAL

A. Plataforma di Vidiu Konfirénsia y Asésu Públiku

Dipartamentu ta ben fazi simináriu atraves di plataforma di vidíu konfirénsia – Zoom. Kualker algen pòdi partisipa na transmison di simináriu en dirétu atraves di link <https://us06web.zoom.us/j/89051005277> na bu konputador, telemóvel, ô tablet. Ka mêsti fazi download di ninhun aplikativu antis. Si bu partisipason na simináriu só ku vós, txóma pa (646) 558-8656 (ka é di grasa) y dipôs poi númeru di identifikason di Reunion 890 5100 5277.

Ês simináriu ta ben sta disponivel na Ingles, Spanhol, Purtuges, Mandarin di China y Cantonese, Kriôlu di Haiti, y Vietinamita. Pa bu ten asésu a sirvisus di interpretason duranti mêza ridóndu, kalka na boton “Interpretation” (na sínbulu di glôbu ) ki ta fika na parti di baxu di ekrán di Zoom y selesiona lingua ki bu mêsti. Pa bu pidi ôtus sirvisus di lingua, kontákita Ofisial di Audénsia Laurie Ellen Weisman atraves di laurie.e.weisman@mass.gov **ti 5:00 di Tardi di dia 18 di Junhu di 2024.** Pa pidi material na formatu asesível pa algen ki ten difisênsia (Braille, létras grandi, fixérus iletróniku, formatu di vós), kontákita kordenadôra di Lei di Amerikanus ku Difisênsia (ADA) di Dipartamentu, Jenyka Spitz-Gassnola, atraves di Jenyka.Spitz-Gassnola2@mass.gov.

Tudu algen ki sta partisipa débi identifika si kabésa na Zoom, fla si nomi konplétu y ki organizason ki ê ta fazi parti.

B. Formátu di Simináriu

Dipartamentu ki ta ben kunduzi simináriu. Asuntus ki sta ben ser tratadu ta komêsa ku aprizentason di mênbrus di painêl y di intervinêntis fêtu pa Dipartamentu, y dipos Dipartamentu ta ben da partisipantis ki ka ta fazi parti di painêl opurtunidade di fazi purgunta ô kumentariu sôbri kêl asuntu. Na aprizentason (tudu material rilasionadu ku ês prusésu) ta ben publikadu pélu mênus dós dia antis di simináriu na pájina di Dipartamentu na <https://eeaonline.eea.state.ma.us/DPU/Fileroom/dockets/bynumber/24-15>

Partisipantis ki ka ta fazi parti di painêl y ki krê aprizenta si kumentariu ô fazi purgunta débi uza funson Labanta Mô ô marka *9 óra ki é foi pididu pa Ofisial di Audénsia. Ofisial di Audénsia ta ben txóma partisipantis di akordu ku orden ki parsi na si ekrán. Munitor di audison ta ben pasa partisipanti pa nivel di partisipanti na painêl pa ê pòdi partisipa na dibáti jeral sôbri têma. Ku objetivu di akôlhi maior númeru pusível di kumentáriu y purguntas, pur favor limita bu kumentariu ô purguntas a sêrka di 3 minutos pa têma. Pur favor, ka bu ripiti kumentáriu skritu ki dja aprizentadu antis.

Simináriu ta ben kontisi, Sugunda Fêra, 24 di Junhu di 2024, di 10:00 di Sêdu ti pa volta di 5:00 di Tardi, a non ser si ten algun indikason au kontrariu di Ofisial di Audénsia. Ta ben ten

45 minutus pa almusu ki ta ben kontisi pa volta di 1:00 di Tardi. Ofisial di Audénsia pôdi dâ ôtus intervalus si for nisisariu.

Pa garanti efikásia y órdi na simináriu, so pisual di Dipartamentu, algen ki ta fazi parti painêl, y partisipantis ki pasa pa nivel di ménbru di painêl pa partisipa na dibáti ki ta ben parsi na vidíu y ês pôdi ser silênsiadu duranti dibáti.

C. Vidíu

Plataforma di vidíu konfirénsia Zoom ta ben transmiti simináriu en dirétu; transmison en dirétu ta ben ser gravadu y ka ta ben fazi part di rejistu ofisial di ês prusésu. Funksionalidadi di konversason y gravason na plataforma di vidíu konfirénsia Zoom ta ben dizativadu duranti simináriu.

Tudu algen ki ta fazi parti di painêl (inkluindu kês partisipanti ki muda di nivel pa pôdi partisipa na dibáti) pôdi parsi na vidíu. Si un ménbru di painêl ka sta parsi na vidíu pamôdi problema tékiniku, Ofisial di Audénsia ta ben dâ partisipanti di painêl un ténpu razuavel pa rizolvi problema tékiniku. Si problemas tékinikus ka konsigi ser rizolvidu dipôs di algun isfôrsu razuavel, Ofisial di Audénsia pôdi manda partisipanti di painêl pa partisipa atraves di tilifôni.

D. Son

Tudu partisipantis di painêl débi papia divagar y di manêra klaru pa djuda intérpritis y ôtus partisipantis. Apezar di Ofisial di Audénsia ta ben tênta diminui inturupison, ê pôdi interonpi y pidi partisipantis ki sta papia pa ripiti ô pa papia más divagar.

Pa diminui rabolisu na anbênti y ôtus perturbason, tudu mênbrus di painêl débi poi na silênsiu, a non ser si ês sta ta papia. Ofisial di Audénsia ta uza funksionalidadis di son di Zoom pa poi na silênsiu y pa ativa son di mênbrus di painêl, si for nisisariu.

E. Munitor di Audison y Asisténsia Tékiniku

Monitor di audison pa es simináriu ta ben ser Shirley Barosy, Jestôra Jurídiku di Divizon Jurídiku di Dipartamentu. Munitor di audison ta ten privilêjius di anfitrión. Pur favor, infôrma sôbri kualker problema tékiniku duranti simináriu a Sra. Barosy atraves di shirley.barosy@mass.gov. Pa purguntas di asisténsia tékiniku antis di mêza ridóndu, pur favor kontákita Ofisial di Audénsia Laurie Ellen Weisman pa laurie.e.weisman@mass.gov.

F. Purguntas

Pa más informason sôbri ês memorandu ô pa pidi pa po-u ô tra-u di lista di distribuison iletróniku, pur favor kontakita Ofisial di Audénsia Laurie Ellen Weisman pa laurie.e.weisman@mass.gov. Tanbé bu pôdi dexta mensajen di vós ku bu nomi pa número (617) 305-3690.